

=====

حينما تُقرنُ فخراً بالشهيدِ قاسم

=====

بعضهم عضّوا أياديهم من الندامة

يجسام.. صرخة هاشمية
يجسام.. ما اتبايع أمية
صرختك بالغازية .. هزّت أركان الدعية

يَلِي مَا فَارَقَ خَيَالِي يَا لَوْلَدِ جَمَاكَ... خَلْنَه نَتَذَكَّرَ لِيَالِي وَإِسْرَحْ إِبْخْيَاكَ
أَذْكُرْكَ بَعْدَكَ طِفْلٍ وَسَطٍ الْمَهْدِ يَغَالِي... وَأَمَّكَ إِتْهَزْ هَالْمَهْدِ تِسْهَرُ عَلَى دَلَالِكَ
وَإِذْكَرْ أَوَّلَ مَا مَشَيْتِ إِبْدَنِيْتِي يَجَاسَم... يَبْنِي كُلَّ خُطْوَةٍ إِعْثَرْتَهَا كَلْبِي كَامَ وَشَالِكَ
لَوْ جُرْحٌ صَابَكَ أَحْسَ إِبْهَرَكْتَهُ فِي كَلْبِي... لَيْتَهُ بَسَ هَذَا الْجُرْحُ جَانِي أَنِي بِدَالِكَ
يَبْنِي فِي عَيْنِي رَبِيت... وَكَلْبِي هَذَا جَنَّهُ بَيْتِ
شَايِلْ أَجْمَلْ ذِكْرِيَات... مِنْ بَدَايَةِ مَا إِجِيتِ

يُمّه يا يُمّه يرمله وشكّثر وفيتي...دنيّتي وعمرّي وحياتي وانتي والله بيتي
لو أقدم لش حياتي يُمّه ما وفيتش.... يلسهرتين الليالي لجلي واعتنيّتي
لو مرّضت الكّاش جنبي ساهرة ابحنانش.. لو غفّت عيني بيُمّه انتي ما غفّيتي
لو افارق ساعة عَشّ يشتعّل حنينش.. وشكّثر يُمّه تعبّتي إوياي وما اشتكّيتي
أمي يا ليل وسهر ... ويا كُلب دوم إنتظر
أمي يا صدر الذي...لَمّني عن ضيم الدهر

يلتريديني يمّه دايماً أتهنّى.. عند ابو سكنه لاكيت اللي اتمنى
والشهادة بيّمه ابربله حلمي...والله فوز وسعادة ومفخرة وجنة
واللي يدري ابعصيره ويا هالوالي.. ما أظنّه يفكّر لحظة يتأنّى
واللى ينصر عزيز الزهره والهادي.....ما يخيب أبد يوم الحشر ظنّه

نادته يجاسم..گوم إصنع الملاحم
وانصر المظلوم هذا واجبك إلیه
تتصر الإمامة....والزهرا بالقیامة
والله ما تنسانا أمك فاطمة الزجیة

يجسام.. صرخة هاشمية
يجسام.. ما اتبايع أمية
صرختك بالغاضية .. هزّت أركان الدعية

=====

من وكع مذبوح جاسم يعتفّر في دمه.. بالثرى بضربة الأزدي اشحال والله عمّه
وصلّ عنده وشاف حاله إينازع المنية... مسح دم راسه وأخذ يبجي ويون ويضمّمه
عزّ عليه اليوم شوفك مرمي بالتراييب.... يبني يا جسام عمّك من يطفّي همّه
شال شبل المجتبى وينادي يالوديعة... گومي وإنعي هالشهيد وگومي واسي أمّه
شاله من حرّ التراب..... محني ظهّره إمن المصاب
مدمعه يجري ويصيح.. ما مِثْل فُكْد الشباب

شدي بالهورا إبعصابة بالعجل جبينه هالولد فتنه يزينب والله من ونيه
راح في زهرة شبابه يختي بالعقيلة..... لا تهنيّه إجماله ولا هني إيسنيّه
شوفي واشلون الدهر فرگهم الحبايب... الولد في كربلة والوالد المدينة
الولد بالسيف أدموا هامته وجبينه... والأبو بالسّم تگطّع جبّه تذکريّه
رمله بس تجمع جراح.... والله مكسورة جناح
الحسن بالسّم گضى... والولد من بعده راح

طلعت أمه تنوحه والدّمع ساجم.... يبني فوق الترايب منجدل نايم
شافته ابدشه تنزف منه ادمومه... ظلت إتنادي واحزني على الجاسم
والعقيلة إبحزنّها تنظر أحواله... من خسف هالبدر وإتعدّى بالصارم
يا عزيز الحسن سبط النبي الهادي..... ذوّبت گلبي يا شمعة بني هاشم

والولي ينادي... ما خلّت الأعادي...
في الخيم شبّان كلهم راحو إمن إيديّه
أنظر الحبايب... مطروحة بالتراييب
چنهم انجوم وهوت فوق الثرى سويّة

يجسام.. صرخة هاشمية
يجسام.. ما اتباع أمية
صرختك بالغازية .. هزت أركان الدعية

=====

منهج سارت به الأديان والشرائع..تبتغي جنداً شباباً مؤمناً مدافع
(لا فتى إلا علي) لم تكن شعاراً...إنما قد كان تطبيقاً بأرض واقع
عزة الإسلام في هذا الفتى تجلت..فهو من قد رد عنها البأس والمطامع
والرسول المصطفى قد أمر ابن زيد...أمراً من خلفه الكل بأن يسارع
وكذا كل إمام...يحتويهم بإهتمام
وكذا يصغي لهم...ويكن الإحترام
وبيوم الطف كم من فتية شباب... لم يهابوا الموت بل هبوا الى المصارع
وثب الأكبر والقاسم للفداء...أعجزوا جيشاً وهم غدوا على الأصابع
فطموح النشء والشبان لا يضاهاى..فاحتوهم بقلوب الود والمسامح
لا بأن نغزو على آمالهم مقامع...أو لإقصائهم نختلق الذرائع
نهضة دون الشباب...هي وهم وسراب
فيهم نيل المني...وبهم قهر الصعاب

فلنربي شباباً مؤمناً عازم..ناصر دينة في منهج القاسم
قبل أن يحتويهم دونكم فكر..راغباً أن يكونوا معولاً هادم
حين يستهدفون الدين في خبث...للشباب تراهم سعيهم دائم
فأصنعوا منهم جيلاً رسالياً...قاسمياً يعد النفس للقائم

منهج الضلالة...يستهدف الرسالة..
ناصباً إلى الشباب دائماً شراكه
كلما توانى..مجتمع زمانا..
نحوهم عن دوره يوماً يرى هلاكه